

四庫全書

子部

欽定四庫全書

子部

書畫彙考卷七

詳校官中書臣沈 颺

侍讀臣孫球覆勘

總校官進士臣朱 鈐

校對官編修臣沈清藻

謄錄監生臣黃臣鵠

欽定四庫全書

書畫彙考卷七

刑部左侍郎卞永譽撰

書七

唐

太宗

文皇晚來手勅

晚來腫勢漸歇肉色如故體中亦自勝昨日思卿等為

憂略此相報勅

唐文皇手詔贊余以右軍帖於王晉卿家易唐文
皇手詔因贊之曰龍彩鳳英天開日升亟戡多難
力致太平雲章每發目動神驚元豐乙丑楚米芾
書

唐太宗英睿不羣所學輒便過人計神堯初定四
海太宗年二十許爾字畫已能如此所以末年詔
勅有魏晉之風亦是富貴後能不廢學爾崇寧元

年閏月初六日當塗江口折柳亭中書

山谷題跋

外錄

藝苑卮言云唐文皇以天下之力募法書以取天下之才習書學而不能脫人主面目元徽亦然智永不能脫僧氣歐陽率更不能脫酸餽氣旭素顏柳趙吳興不能脫俗氣兩晉宋齊之間可以脫矣書畫舫云文皇書法遠接右軍有論筆法一篇文論精確後學所當模範者也至以楔序殉葬非羹

墻前哲者不能余近見其晚來手勅真蹟深遠絕
倫足稱墨池雲仍之盛

又云唐文皇創業之後留心八法書學自是過人
其晚來手勅一通用黃麻箋書之今在韓存良太
史家宋祕府故物也右帖全倣右軍風神散朗品
在宋思陵上屢欲告假刻石卒未得

玄宗

唐明皇御書鵝鵠頌

鵲鵲頌 俯同魏光乘作

朕之兄弟唯有五人比為方伯歲一朝見雖載崇藩屏
而有睽談笑是以輟牧人而各守京職每聽政之後延
入宮掖申友于之志詠常棣之詩邕邕如怡怡如展天
倫之愛也秋九月辛酉有鵲鵲千數棲集於麟德之庭
樹竟旬焉飛鳴行搖得在原之趣昆季相樂縱目而觀
者久之逼之不懼翔集自若朕以為常鳥無所志懷左
清道率府長史魏光乘才雄白鳳辯壯碧鷄以其宏達

博識召至軒檻預觀其事以獻其頌夫頌者所以揄揚
德業褒讚成功顧循虛昧誠有負矣美其彬蔚俯同頌
云

伊我軒宮竒樹青葱藹周廬兮冒霜停雪以茂以悅恣
卷舒兮連枝同榮吐綠含英曜春初兮蓐收御節寒露
微渠兮行搖飛鳴急難有有情情有餘兮結氣清虛兮桂
宮蘭殿唯所息宴棲雍顧惟德涼夙夜兢惶慙化疎兮
上之所教下之所效實在予兮天倫之性曾衛分政親

賢居兮爰遊爰處爰笑爰語巡庭除兮觀此翔禽以悅
我心良史書兮

勅押

外錄

山谷題跋云唐太宗妙於書故高宗雖潦倒怕婦
筆法亦極清勁玄宗書班班猶有祖父風此如長
沙王十世後子孫猶似其祖耳

書畫舫云唐玄宗御書鵲鵲頌白麻紙真蹟結構

精謹筆法縱橫迴出吾家思陵御書之上後有蔡
京蔡卞二跋亦妙其山谷跋已亡矣近周敏仲購
得一本乃雙鉤填墨者至積時不悟良可嘆也

唐天平范氏柱國誥卷

將仕郎權知幽州良鄉縣主簿范隋

右可柱國

勅朝散大夫尚書水部郎中穆栖梧等渙汗鴻恩必乘
其雷雨頒宣爵賞用振其簪纓以爾等列我盛朝累霑

需澤各有勞效許其叙錄行慶策勲於是乎在可依前件

咸通二年六月十一日

檢校司徒兼中書令使

中書侍郎兼工部尚書平章事臣杜審權宣奉

駕部郎中知制誥臣王鐸行

奉

勅如右牒到奉行

咸通二年六月十二日

檢校司徒兼侍中使

左僕射兼門下侍郎平章事

給事中

告將仕郎前權知幽州良鄉縣主簿柱國范隋奉
勅如右符到奉行

主事吳亮

員外絨

令史楊鴻

書令使

咸通二年六月 日下

右六世祖所受懿宗告也先世文書自經喪亂十
亡八九此書獨存於三百年干戈之後子孫保之
當何如耶紹興三年八月朔裝褙於廣州官舍右
朝奉郎權發遣廣東路轉運判官正國謹書

積厚者流光積薄者流卑自然之理也范氏自唐
咸通桂國起家至我宋紹興歲凡三百年本支六

世文正忠宣二公繼世將相有功德於本朝所積
厚矣流光雲來奕葉未艾後世宜有是似者厥惟
懋哉新安汪伯彥庭俊題於南粵之袞繡堂紹興
三年九月一日

召嗣與觀

昔者郊子能言其祖君子紀之近世譜學幾絕族
系弗明重以兵革搶攘士大夫家能保其先世文
書者尤鮮惟范氏世緒綿遠譜牒著明而子儀又

能保其六世祖命書斯可尚也吳興章傑謹題

范氏之先唐則天時位宰相世系甚明咸通柱國
蓋苗裔也文正公祖事錢氏以文章顯其後乃益
暴耀於皇朝子儀忠宣季子承家濟美當復能光
昭前人紹興癸丑歲九月廿六日李璆謹題

范之保姓受氏固遠矣然敦厚於春秋得文子士
燮於國朝得文正忠宣焉文子嘗論鍾儀曰稱先
職不肯本也操土風不忘舊也不肯本仁也不忘

舊信也仁以接事信以守之雖大必濟惟文正忠
宣儲慶羨祉奕葉顯美庭多魏絳之金石室富桓
榮之車服今子儀郎中廼以尊祖之故保一主簿
柱國之誥且惟恐子孫或墜逸之可謂不背本不
忘舊得仁信之盡者况有問學以文之有名譽以
崇之則踐世官修舊職蓋可拱而竢也異時芝房
之詔閱以十襲其有觀者抑必曰君臣之間乃爾
耶紹興十五年乙丑五月初二日眉山程敦厚書

右子儀六世祖柱國告以其時考之檢校司徒兼
中書令使者白敏中以是官為鳳翔節度使也左
僕射兼門下侍郎平章事悰者杜相也以檢校司
徒出使也崔鉉鎮襄陽令狐綯使闕中而兼侍郎
則未之考焉當俟博雅君子紹興己巳三月晦日
贛川曾幾書

良鄉公之行事不見於史冊咸通中勲柱國而為
主簿良鄉以其時考之懿宗之立唐室衰矣及文

正公之遇慶厯忠宣之遇元祐勲烈名德蓋不出於偶然者是以論其世也申呂稽中書

柱國公行事雖不見於史冊然至文正公忠宣公裁四世五世耳德業盛大閱閱光華為皇朝望族則祖風家範可想而知矣邵武盧奎書

安中蒙示以唐告元祐書帖臨路獲此奇觀適在海山展讀數過頓覺天池收波雲物改色其欣快可勝言哉固願各以數字自托門下而筆墨不精

復困人事且壓以重名殆難措手只欲得一等高
下紙四五幅攜去前路納來也預媿不工耳安中
再拜

晉范宣子叙其家世自虞夏商周迄晉之主盟保
姓受氏以為不朽而魯穆叔難之曰太上有立德
其次有立功其次有立言是之謂不朽本朝范氏
如文正忠宣盛德偉烈忠言嘉謨既卓然不可企
及而傳系之遠又如此則二子所謂不朽者兼得

之矣嗚呼盛哉紹興壬戌中元日揭陽劉昉謹題
漢唐以時用武功爵用散官用勲尚矣唐故事有
宰相而階將仕郎今良鄉公雖主簿而勲乃柱國
其踐歷也深矣惜夫史之闕文也紹興廿五年七
月十八日吳興劉岑書

范氏以唐載初元年由春官尚書同鳳閣鸞臺平
章事未幾以直道與魏元同相繼以忠死謂宜有
後至咸通初裔孫始以承麗水知名於史此則未

丞麗水時告也然名位不稱至本朝而後文正忠
宣始相望而出焉時元臣傳曰公侯之子孫必復
其始信矣哉給事中渢者王渢也檢校司徒兼侍
中出使者幽州節度張允伸也豈侍郎曾公偶忘
之歟隆興元年二月六日崇仁吳曾謹書

柱國公告史失其姓名治行無所稽考然四世之
後有文正公五世之後有忠宣公積慶流澤可想
見其人子儀郎中奉以周旋不敢失墜是能保其

家者傳之雲仍與王氏寶章較世系之遠近固無難也紹興丁卯仲春東郡趙竒謹書

皇朝輔相如文正公忠宣公天下皆知尊仰今觀其上世唐咸通中柱國告又知其世德之遠也穀梁子云德厚者流光信矣夫紹興十八年正月二十五日左承議郎主管台州崇道觀許忻謹題

惟范氏遠有世序自唐柱國五世而至忠宣公可謂祿之大者今湖北漕使忠宣幼子也一日出示

咸通柱國之誥則其保姓豈特守宗祊而已哉光
輔累朝代為興家其祝史陳信於鬼神無媿辭矣
紹興歲乙丑月丙戌日丙辰鐵石翁宋瀚書

君子之澤盡於五世自柱國至文正公四世矣復
生忠宣公世濟其美百世之後聞其風者皆足以
興起今湖北運使忠宣公之季子善繼前修有祖
風烈德澤之久不知何時而已耶宣子謂世祿為
不朽穆叔告之以立言若聖宋之范氏其真不朽

者歟紹興十六年三月望日高密周聿書

歐陽文忠公嘗作家譜序曰自唐末之亂士族亡其家譜今雖顯族名家多失其世次譜學由是廢絕因知干戈擾攘之際能保其譜系者鮮矣竊觀運使公所收六世祖柱國誥命即唐懿宗朝所賜珍藏至今傳之子孫俾知世次且欲屬而不絕可謂知尊祖者矣歎服之次輒書卷末以贊盛美云時紹興十六年歲次丙寅正月六日潯陽馬居中

謹題

靖康亂後人家圖籍亦一厄靡有孑遺良鄉主簿
命官牒唐咸通中所頒不知幾厄矣而能不失墜
此范氏之佩筆算囊也如古鼎彝甌鬲宜永寶云
申呂堅中謹觀

柱國時為鈞稽時勲已及此而行事無聞於傳記
數世之後廼有文正公忠宣公為之子孫愚知柱
國有隱德矣紹興辛酉中冬八日秦國吳叔之謹

題

良鄉府君當唐之末世不可以有為之時不辭小
官蓋有以也文正公參預仁宗大政忠宣公兩相
元祐致本朝盛治之極孔子曰邦無道富且貴焉
恥也良鄉以之邦有道貧且賤焉恥也文正忠宣
以之事雖殊而道實同焉右朝奉大夫主管台州
崇道觀賜緋魚袋趙戩謹跋

太守范公出示家藏唐咸通柱國告柱國四世孫

即文正公也五世孫即忠宣公也二公碩大光明
厥先以昌何修而克臻此豈非好是正直之效歟
先都運郎中文正之孫忠宣之子承六世令緒名
位雖未云究乃克謹守家法以貽後人至公為七
世於戲盛哉使文正忠宣家法永存雖百世益昌
可也繼二公者烏知不在公乎淳熙元年三月戊
子朔譚惟寅敬書

文正忠宣繼世之美人知起敬今觀桂國唐誥已

有聞於四世之上諸公又推之載初相系家世久
遠可謂莫之與京忠宣至春官常伯亦四世正爾
鼎貴蓋未易量也高士廉志氏族以崔氏居第一
特以其久故也矧名德相望者耶嘉定丙子季春
六日眉山任希彞敬書

雲津范祕書以先太師文正魏國公五世祖知良
鄉縣主簿上柱國唐誥見示索詩為賦古吳西樓
湯仲友頓首

麗水勾稽兼柱國大唐官制未及詳詰詞歷歷多
稱美史傳寥寥孰補亡萬里山河從換主一門德
澤自流芳地靈會見生人傑不特斯文五世昌

制詞最為近古秦漢以來廢之至唐而復舉焉茲
一權良鄉縣主簿而諄切以命之臣下其有不激
勵者乎抑勲官創於戰國至唐乃為虛名然必加
於有勞者宜主簿之後嗣永昌也至順三年夏五
月宛平曹鑑跋

高昌侯王立拜觀

虞世南

虞伯施東觀帖

楷書

太子中舍人行著作郎臣虞世南奉

勅撰并書

微臣屬書東觀預聞前史若乃知幾其神惟睿作聖玄妙之境希夷不測然則三五迭興典墳斯著神功聖跡可得言焉自肇立書契初分文象委裘垂拱之風華夏

剪商之業雖復質文殊致進讓罕同靡不拜洛觀河膺
符受命名居域中之大手握天下之圖象雷電以立威
刑法陽春而流惠澤然後化漸八方令行四海未有偃
息鄉黨栖遲洙泗不預帝王之錄遠跡胥吏之儔而德
侔覆載明兼日月道藝微而復顯禮樂施而更張窮理
盡性光前絕後垂範百王遺風於萬代猗歟偉與若斯
之盛者也夫子膺五緯之精踵千年之聖固天縱以挺
質稟生德而降靈載誕空桑自標河海之狀纔勝逢掖

克秀堯禹之姿知微知章可久可大為而不宰合天道
於無言感而遂通顯至仁於藏用祖述先聖憲章往哲
夫其道也固以孕育陶均苞含造化豈直席卷八代并
吞九丘而已哉雖亞聖鄰幾之智仰之而彌遠亡吳霸
越之辯談之而不及於時天歷浸微地維將絕周室大
壞魯道日衰永歎時艱實思濡足遂廼降跡中都俯
臨司寇道超三代止乎季孟之間羞論五霸終從大夫
之後固知栖遑弗已志在於求仁危遜從時義存於拯

溺方且重反淳風一匡未運是以載輶以適諸侯懷寶
而遊列國玄覽不極應物如響辯飛龜於石函驗集隼
於金積觸舟既曉專車能對識罔象之在川明商羊之
興雨知來藏往一以貫之但否泰有時達人所以知命
卷舒惟道明哲所以周身牖里幽憂方顯姬文之德夏
臺羈紲弗累商王之武陳蔡為幸斯之謂歟於是自衛
反魯刪書定樂贊易道以測精微修春秋以正褒貶故
能使紫微降光丹書表瑞濟濟焉洋洋焉充宇宙而洽

幽冥動風雲而潤江海斯皆紀乎竹素懸諸日月既而
仁獸非時鳴鳥弗至哲人云逝峻嶽已隕尚使泗水却
流波瀾不息魯堂餘響綠竹猶傳非夫體道窮神至
靈知化其孰能與於此乎自時厥後遺芳無絕法被區
中道濟天下及金冊斯誤玉弩載驚孔教已焚秦宗亦
降漢之元始永言前列褒成爰建用光祀典魏之黃初
式遵故訓宗聖踈爵允緝舊章金行水惠亦存斯義而
晦明匪一屯亨述有筐筥蘋蘩與時升降靈宇虛廟隨

道廢興炎精失御蜂飛蝟起羽檄交馳經籍道息屋壁
無存書之所階基絕函丈之容五禮六樂剪焉煨燼重
弘至教允屬聖期大唐運膺九五基超七百赫矣王猷
蒸哉景命鴻名盛烈無得稱焉皇帝欽明睿哲參天兩
地迺聖迺神允文允武經綸云始時惟龍戰爰整戎衣
用扶興系神謀不測妙筭無遺弘濟艱難平壹區宇納
蒼生於仁壽致君道於堯舜職兼三相位總六戎玄珪
乘石之尊朱戶渠門之錫禮優往代事踰恒典於是在

三旻命吹萬歸仁克隆帝道丕承鴻業明玉鏡以式九
圍席蘿圖而御六辯夤奉上玄肅恭清廟宵衣旻食視
膳之禮無方一日萬機問安之誠彌篤孝治要道於斯
為大故能使地平天成風淳俗厚日月所照無思不服
憬彼獯戎為患自古周道再興僅得中算漢圖方遠纔
聞下冊徒勤六月之戰侵軼無厭空盡貳師之兵憑凌
滋甚皇威所被犁興睭納空山盡漠歸命闕庭充伋蒙
街填委外廐開闢已來未之有也靈臺偃伯玉關虛候

江海無波烽燧息警非煙浮漢榮光莫河枯矢東歸白
環西入猶且兢懷夕惕馭朽納隍卑宮非食輕徭薄賦斷
珣反樸抵壁藏金草烏垂風綈衣表化歷選列辟旁求
遂古克已思治曾何等級於是眇屬聖纂凝心大道以
為括羽成器必在膠雍道德潤身皆資學校矧迺入神
妙義析理微言厲以四科明其七教懿德高風垂裕斯
遠而棟宇弗修宗祧莫嗣用紆聽覽爰發絲綸武德九
年十二月廿九日有詔立隋故紹聖侯孔嗣哲子德綸

為褒聖侯乃命經營惟新舊趾萬雉斯建百堵皆興揆
日占星式規大壯鳳鸞騫其特起龍桷儼以臨空霞入
綺寮日暉丹檻宵宵崇邃悠悠虛白模形寫狀妙絕人
功象設已陳肅焉如在握文履度復見儀形鳳跼龍蹲
猶臨咫尺吮爾微笑若聽武城之絃怡然動色似聞肅
韶之響檐檐盛服既覩仲由侃侃禮容仍觀衛賜不疾
而速神其何遠至於仲春令序時和景淑皎絜璧池圓
流若鏡青葱槐市總翠成帷清滌玄酒致敬於茲日合

舞釋菜無絕於終古皇上以幾覽餘暇遍該羣籍廼製
金鏡述一篇永垂鑒戒極聖人之用心弘大訓之微旨
妙道天文煥乎車備副君膺上嗣之尊體元良之德降
情儒術游心經藝楚詩盛於六義沛易明於九師多士
服膺名儒接武四海之內靡然成俗懷經鼓篋攝齋趨
奧並鏡雲披俱餐泉涌素絲既染白玉已彫資覆匱以
成山導涓流而為海大矣哉然後知達學之為貴而弘
道之由人也國子祭酒楊師道等偃玄風於聖世聞至

道於先師仰彼高山願宣盛德昔者楚國先賢尚傳風
範荊州文學猶鐫哥頌况帝京赤縣之中天街黃道之
側聿興壯觀用崇明祀宣文教於六學闡皇風於千載
安可不贊述徽猷被之雕篆乃抗表陳奏請勒貞碑爰
命庸虛式揚茂實敢陳舞詠迺作銘云

景緯垂象川嶽成形挺生聖德實景英靈神凝氣秀月
角珠庭探賾索隱窮幾洞冥述作爰備丘墳咸紀表正
十倫章明四始繫纘義易書因魯史懿此素王邈焉高

軌三川削弱六國從衡鵠首兵利龍文鼎輕天垂伏鼉
海躍長鯨解黻去佩書燼儒坑纂堯中葉追尊大聖乃
建褒成膺茲顯命當塗創業亦崇師敬胙土錫圭禮容
斯盛有晉崩離維傾柱折禮亡學廢風頽雅缺闕夏交
馳星分地裂蘋藻莫奠山河已絕隨風不競龜玉淪亡
樽俎弗習干戈載揚露霑闕里麥秀鄒鄉修文繼絕期
之會昌大唐撫運率繇王道赫赫玄功茫茫天造奄有
神龍光臨大寶比蹤連陸追風炎昊於鑠元后膺圖撥

亂天地合德人神攸贊麟鳳為寶光華在旦繼聖崇儒
載修輪奐義堂弘敞經肆紆紫重巒霧宿洞戶風清雲
開春牖日隱南榮鏗肱鍾律蠲絜齋明容範既備德音
無數肅肅升堂粦粦讓席獵纓訪道橫經請益帝德儒
風永宣金石

虞永興嘗自謂于道字有悟益於發筆處出鋒如
抽刀斷水正與顏太史錐畫沙屋漏痕同趣前人
巧處故應不傳學虞者輒成算子筆陣所訶以此

余非能書能解之耳其昌

外錄

書畫舫云虞永興墨蹟稀如麟鳳昔在寶晉評書
已有今好事家一字亦無之歎近聞張脩羽家購
藏夫子廟堂碑進呈墨本韻致楚楚倘得較閱則
夫生今之世得見前人所未見何遽少遜古人耶
又云虞伯施夫子廟堂碑原本字多鋒鏑極得右
軍遺意宋黃太史詩云孔廟虞書貞觀刻千兩黃

金那購得指此本也第其碑旋經火厄搨本罕存
額書大周孔子廟堂之碑者乃是武后勅相王旦
翻勒重刻而成便為第一偽本矣較原本不啻星
淵識者辨之虞永興遺跡詩孔廟遺碑直百千汝
南枕卧更堪傳空瞻米趙標題語不見前書思惘
然

虞伯施汝南公主墓誌銘藁

大唐故汝南公主墓誌銘并序

公主諱字隴西狄道人皇帝之第三女也天潢疏潤圓

折浮夜光之采若木分暉穠華

闕

朝陽之色故能聰穎

外發閑明內映訓範生知尚觀箴於女史言容成則尤
習禮於公宮至如怡色就養佩帨晨省敬愛兼極左右
無方加以學殫綿素藝兼肇絜令問芳猷儀形閨闈

年 月有詔封汝南郡公主錫重珪瑞禮崇湯沐車服
徽章事優前典屬九地絕維四星潛曜毀瘠載形哀號
過禮繭纊不襲鹽酪無啗灰琯亟移陵塋浸遠雖容服

外變而沈憂內結不勝孺慕之哀遂成傷生之性天道祐仁奚其冥漠以今貞觀十年十一月丁亥朔十六日

外錄

米氏書史云虞世南汝南公主銘起草洛陽王護處見摹本云真蹟在洛陽好事家有古跋後十年見真蹟在故相張公孫直清處其後止正觀十年十一月丁卯朔十六日旁小字注云赫赫高門在裴丞相家是其銘然此幅文但至半而止行下有

空白紙約略十字此蓋卒日猶未言葬也闕文尚
多安得便言赫赫高門不當後幅却與前幅不相
連屬也其前標紅綾色如新有名幾玄題其標云
云故祭酒崔十八丈綽嘗與寇章賀拔暕皆以鑒
賞相尋每稱服膺虞書多歷年所自會昌以來
時睹斯帖因致其真隸有加頃年崔丈每送余兄
弟下第東歸必云此去獲見汝南帖亦何減于昇
第耶所惜者闕其銘文耳咸通二年春於存神室

輒獻子凝良足嗇愛也幾玄不知何人也虞帖為
時所重如此今好事家絕不曾見真蹟摹本枕臥
積時艸牙頭風四帖一關中刻石今法帖所載耳
世最少者子敬虞帖今好事家一字亦無耳

書畫舫云虞永興書當以張脩羽家夫子廟堂碑
真蹟為第一楷未及見其次則汝南公主墓銘稿

凡十
八行

見米老寶章待訪錄後入郭天錫家元章跋

尾尚存今藏瑯琊王氏敬美奉常故物也頃金壇

王太史宇泰賞其宛暢為摹入鬱岡齋法帖中矣
又云此志行筆結字極似海岳翁丑定為米老臨
寫不識真賞以為何如耳

虞永興枕臥帖

原文
不錄

外錄

趙孟頫與鮮于伯機尺牘云常州張治中有虞永
興枕臥帖筆意清峭紹興內府故物足為希代之
寶吾兄伯機不可不知也詞云自公枕臥來七八

日末云世南呈凡十餘行頃都下四次借閱因不
肯嗟賞遂爾寶祕不爾亦甚不愛可惜可惜世南
字漫本不知為何人書苦苦相問不能固拒遂道
與之由是遂不復出有建業文房之印紹興小璽
平生僅見此一種虞書耳

虞永興與褚登善書

賢兄處見臨樂毅論便是青過於藍欣忭無已數願學
耳世南近臂痛廢書不堪覩縷也虞世南呈

歐陽詢

唐歐陽率更夢奠帖

行書

仲尼夢奠七十有三周王九齡俱不滿百彭祖資以導
養樊重任性裁過盈數終歸冥滅無有得傳住者未有
生而不老老而不死形歸丘墓神還所受痛毒辛酸何
可熟念善惡報應如影隨形必不差二

右唐銀青光祿大夫太子率更令渤海郡歐陽詢
字信本書仲尼夢奠帖七十八字前後御府法書

二小印後有紹興小印合縫處古印甚多下跋一
吉字未曉誰氏庚寅十月購於楊中齋家悅生圖
書亦曾入賈秋壑文府率更初學王逸少書後漸
變其體筆力險勁為一時之絕人得其尺牘咸以
為楷範張懷瓘云歐陽真行出於大令自羊薄以
後略無勑敵獨永師恃兵精練議欲旗鼓相攻歐
惟猛銳長驅永則破膽奪氣法書苑亦云性本行
書蟬聯起伏凝結遒聳裁蕭永之柔懦拉羲獻之

筋髓比之諸勢出於自得此本勁險刻厲森森然
若武庫之戈戟向背轉摺渾得二王風氣世之歐
行第一書也辛卯二月辛未重裝九日丁丑跋於
嚴陵官舍金城郭天錫審定真蹟祕玩

歐陽信本書清勁秀健古今一人米老云莊若對
越俊若跳躑猶似未知其神竒也向在都下見勸
學一帖是集賢官庫物後有開元題識俱全筆意
與此一同但官帖是硬黃紙為異耳至元廿九年

閏月望為右之兄書吳興趙孟頫

韋續墨數歐陽正行書在中上品歐教作書有八
訣最利初學學者觀古人書必觀墨蹟乃見妙處
此夢奠七十八字真人間絕無僅有希世寶也蓋
嘗入宋御府矣趙文敏公所題考碑志是三十七
八歲筆故與後來特異吾家蓄古墨蹟此為最久
正統八年四月六日楊士奇謹書

外錄

書畫舫云樵李項氏祕藏歐陽詢行書夢奠帖清
勁絕塵乃楮紙真蹟宋末藏郭天錫處有天錫子
昂二識尾勤有堂故物也其後又入楊東里家有
東里跋跋今不存右帖授受有緒的是名物陳仲
醇品定為宋人書豈為後人所淆亂耶

歐陽信本千文

楷書原
文不錄

右率更令所書千文楊補之家藏本咸淳甲戌歲
九月三日錢唐金應桂

書家以分行布白謂之九宮元人作書經云黃庭有六分九宮曹娥有四分九宮是也今觀信本千文真有完字具於胷中若構凌雲臺一一皆衡劑而成者米南宮評其真書到內史信矣此本為楊補之家藏勒其全文欲學者先定間架然後縱橫跌宕惟變所適也其昌

歐陽率更度尚庾亮二帖

度尚字博平山陽湖陸人少早喪父事母至孝盡心供

養清潔有文武為上虞治政嚴峻孝女曹娥人莫之表
尚出俸粟使吏焦夫改葬樹碑以彰顯之後遭母喪哀
瘠動人遼東太守卒

庾亮臨江州聞翟湯之風束帶躡履而詣焉湯見亮備
賓主禮甚恭而亮怪曰君高道世表僕敢忘其恭耶湯
曰使君忽敬其枯木朽株耳亮語主簿張玄曰此君臥
龍不可動也

右唐弘文館學士兼太子率更令銀青光祿大夫

渤海縣開國男歐陽詢字信本書度尚帖元豐已
未余官長沙獲於南昌魏泰庾亮帖壬戌歲過山
陽獲於今中散大夫鍾離景伯各著半古印適合
縫文曰清河圖籍之印乃昔一書也究延平之化
豈不有神參孔壁之遺孰云致誤元祐庚午冬至
蕭閒外舍裝贊曰渤海兒怪字亦險絕真到內史
行自為法莊若對越俊如跳躑後學莫窺遂趣厓
劣襄陽米芾審定真蹟祕玩

歐陽率更子奇帖

行書

新序曰子奇年十八齊君使理阿既行齊君悔之遣人
追追者返曰子奇必能理阿矣共載者皆白首子奇至
即鑄兵以為耕器魏聞童子為君庫無兵倉無粟乃起
擊之阿父率子兄率弟以私兵戰之遂敗魏師

古圮靜勝老人劉沐觀

廬山黃石翁觀

右唐銀青光祿大夫弘文館學士太子率更令歐

陽詢字信本書新序子奇帖行書見於淳熙祕閣
書目御府帖也歐陽平生愛書故事度尚帖子奇
夢奠帖皆是故事夢奠帖莫年所書紛披老筆殆
不可攀此帖精謹中歲書惜不刻石以永其傳也
乙酉獲於廣陵甲午三月命工重裝於錢塘金城
郭天錫祐之審定真蹟祕玩

率更所書夢奠及子奇帖嘗獲觀於祐之郭公山
房今三十年矣俛仰疇昔為之慨然泰定乙丑十

二月廿又六日巴西鄧文原書

古人法書貴墨跡而賤石刻墨蹟具存筆意學者
益有考焉此帖歐陽率更所書新序墨色宛然筆
意具在善書者宜寶之元統改元歲在癸酉十有
二月十日番陽吳善題

率更令歐陽公書法在李唐朝居褚河南薛少保
右則其妙可知矣拜觀新序一帖其筆力端重道
麗足為萬世法程學者烏可以片楮忽諸不特此

耳吳興趙公書籤巴西鄧先生手跋亦足清玩也
識者寶之大梁班惟志謹書

歐陽率更書漢史節

原文
不錄

外錄

研北雜誌云田師孟家有歐陽率更書漢史節

歐陽信本書稽古卷

原文
不錄

外錄

研北雜誌云歐陽率更書稽古在李穀固家末云

卷絕

書史會要載歐陽詢八法云、如高峰之墜石、
似長空之初月、如萬歲之枯藤、一若千里之陣
雲、似勁松倒折、落掛石崖、如萬鈞之弩發、
若利劍截斷、犀象之角牙、則一波常三過、筆澄
神定、慮端已正、容秉筆思生、臨池志逸、虛拳實腕、
指齊掌空、意在筆前、文向思後、分間布白、勿令偏
側、墨淡則傷神、采絕濃必滯鋒、豪肥則為鈍、瘦則

露骨勿使傷於軟弱不須怒降為奇點畫調勻上
下均平遞相顧揖筋骨精神隨其大小不可頭輕
尾重無令左短右長斜正如人上稱下載東映西
帶氣宇融和精神洒落省此微言孰為不可也

廣川書跋董道書歐陽詢帖云余觀前人論書必
先擇筆至於動作皆得如意非是未嘗書筆祖善
書而妙於筆故子敬稱為奇絕然書必托於筆以
顯則筋骨肉理皆筆之所寄也率更於筆特未嘗

擇而皆得佳趣故當是絕藝蓋其所寄者心耳論
者論飛白冠絕有龍蛇戰鬥之象雲霧輕飄之勢
真行出於大令森森焉若武庫矛戟至使智永奪
氣信乎書妙至此極者然飛白篆書世不復傳今
惟真行章草可見略無勁敵非虛語也虞伯施謂
詢不擇紙筆皆得如意此正紀其實爾宜遂良不
能及也

墨池環錄云陳景元評歐陽詢字云世皆知其體

方而不知其筆圓亦可謂歐之闡幽也

趙模

趙參軍模晉千文

周天球篆書題

款書

太子右監門府鎧曹參軍臣趙模上

行書千文

趙供奉所書千文如謹勅士不敢毫髮自縱在繩
束外至今見者為之斂衽退步及觀困學翁跋則
如神龍天馬殆不可羈其間法度出於自然噫此
筆亦不可多得矣我輩何敢仰望下風因乘興效

顰值子玉千文卷錄以還延祐庚申夏五玉霄滕
賓拜手

吳郡錢佑觀於西湖

寓吳柏顏觀

大梁班惟志與仲亨子正敬思同觀

嚴陵汪鵬升永嘉薛漠同觀

大德九年吾道觀

吾道一作吾衍

山陰繭紙入昭陵江右空傳瘞鶴銘賴有貞元供

奉筆硬黃雙勒集儀刑丹丘夏克復

晉人之書見於今日者大抵石刻耳如趙公者去
晉未遠其所摹集多子昧於平生者固宜蓋褒鄂
已沒庶幾見其英姿飄爽於縑素間者曹將軍之
功也明古其謹藏之吳寬題

吳郡楊循吉觀

七月之望彭年觀於雙娥寺壽承讀書樓

褚登善有自書聖教序筆法極類右軍後人遂謂

唐集聖教序非集聚之集乃學習之習也是殆不
然今觀趙供奉所摹千字文一鈎一畫步武右軍
極似聖教序乃知前人所集真蹟而書之者非習
字書奴明矣千古之疑一朝盡釋快哉此筆今不
可再得仲宣其實之勿輕示人也天啓壬戌初夏
范允臨題

馮承素

馮承素臨本樂毅論

黃麻紙本
搨原文不錄

彥遠家有馮承素蘭亭元和十三年詔取書畫遂
進入內今有承素樂毅論在竝有太宗手批其後
張彥遠記

隆慶三年元旦焚香盥手謹觀文彭壽承父記
是日有禁不得賀節明窓淨几展玩數日甚樂甚
樂再觀索幼安出師頌蓋天地間二寶也文彭再
記

山谷老人論書要字中有筆此帖近之然非有研

白筆簾者不足以知此隆慶己巳春日從三橋寓
齋携歸諦觀因題其後歸之建業胡汝嘉記事

外錄

褚遂良記云搨本樂毅論是貞觀十二年四月九
日勅內出樂毅論是王右軍真跡令將仕郎直弘
文館馮承素模寫賜司空趙國公長孫無忌開府
儀同三司尚書左僕射梁國公房玄齡特進尚書
左僕射申國公高士廉吏部尚書侯君集特進鄭

國公魏徵侍中護軍安德郡開國公楊師道等六人於是在外乃有六本並筆勢真妙備盡楷則也

褚遂良

褚河南書唐文皇哀冊

真書

維貞觀廿三年朔廿六日己巳太宗皇帝闕於翠微宮

之含風殿旋殯於太極之西階粵八月庚子將遷坐於

昭陵禮也鳳紀疑秋龍帷將曙闕化同軫綿區縞素哀

子嗣皇帝覽風樹而增感攀銅池而拊膺迫宗祧之是

寄傷往駕之無憑奠樽盈而悲序促靈景翳而愁雲興
去劍滋遠清徽方闕爰詔司存傳芳瓊字其詞曰三微
固祉五曜垂文光昭司牧對越唐勛族著玄牝家傳緡
雲高祖配天一人有慶大行神武維幾作聖良書自得
高文成性夙表餘雄先懷反正蒼兕爰發朱旗首令環
瀛昏墊關洛荒蕪妖傾地軸盜弄乾樞戎衣光啓霸政
宏謨天兵電照月陣風馳蚩尤遮剪契窾咸誅閏位不
虔餘分與戾先收秦組次焚商袂轉圓上畧容光下濟

徙邑垂仁賓門灑惠脩風順軌凝圖奉睿青宸同規玄
珠叶契發揮三五聲明遐裔泛野休兵靈臺偃革升巖
藏銃遵河奉璧學肆徐輪丘園散帛就日攸宜如闕在
斯刑哀動植化美埴篲樂華曾舉禮葉旁垂沙塲磬翦
斗極咸羈狼山入囿瀚渚歸池東旌若木西旆條支龍
鄉委賁烏服來儀大矣乘時悠哉利見文龜浮沼應龍
在淀涵露飛甘卿雲呈絢松第望幸瑤華方薦仙丹斂
銜星飛告變凝沴氣於升年掩璿暉於離殿嗚呼哀哉

商管初飛秋絃罷脩驚川悠緬宮車晏出大隧弗營元
龜獻吉展軫効駕義和司日迫靈心於將餞痛皇情其
如失凝清秋於廣路遡悲風於長闕經柏梁而徐轉邁
蘭池而徙蹕聳輕旆之逶迤動邊笳之蕭瑟嗚呼哀哉
周營甫寤漢啓泉闡穀林搖落橋巖變衰平原淒兮白
日遠深渚澹兮秋雲飛覽銅爵而興慕傷鼎湖之不歸
嗚呼哀哉峻陵玄壤隅山窮路虛衛韞英輕池委素義
庭易晚松陰難曙萬方悲而雨泣三靈慘而雲泣嗟厚

德之長違仰高天而攀慕嗚呼哀哉崇基永煥置業方
昭遺風餘烈天長地遙想神襟而騰茂縱史筆而揚翹
寵嘉聲闕日月終有裕於唐堯嗚呼哀哉

褚遂良書在唐賢諸名世士書中為秀穎得羲之
法最多者真字有隸法自成一家非諸人可以比
肩此書蓋其晚年紹興丙辰十二月初五日臣友
仁審定

褚公初以善書見知文皇後數直諫補益國事殊

悟手從言忘意得縱未窮於衆妙斷可極於所臨矣若
思通楷則少不如老學成規矩老不如少思則老而逾
妙學乃少而可勉勉之不已抑有三時時然一變極其
分矣至如初學分布但求平正既知平正務追險絕既
能險絕復歸平正初謂未及中則過之後乃通會通會
之際人書俱老仲尼云五十知命也七十從心故以達
夷險之情體權變之道亦猶謀而後動動不失宜時然
後言言必中理矣是以右軍之書末年多妙當緣思慮

通審志氣和平不激不厲而風規自遠子敬已下莫不較努為力標置成體豈獨工用不侔亦乃精神遠隔者也或有鄙其所作或乃矜其所運自矜者將窮性域絕於誘進之途自鄙者尚屈情涯必有可通之理嗟乎蓋有學而不能未有不學而能者也考之即事斷可明焉然消息多方性情不一乍剛柔以合體忽勞逸而分驅或恬淡雍容內涵筋骨或折挫槎枿外耀锋芒察之者尚精擬之者貴似况擬不能似察不能精分布猶疎形

骸未檢擢泉之態未覩其妍窺井之談已聞其醜縱欲
搪突義獻誣罔鍾張安能掩當年之目杜將來之口慕
習之輩尤宜慎諸至有未悟淹留偏追勁疾不能迅速
翻効遲重夫勁速者超逸之機遲留者賞會之致將反
其速行臻會美之方專溺於遲終爽絕倫之妙能速不
速所謂淹留因遲就遲詎名賞會非其心閑手敏難以
兼通者焉假令衆妙攸歸務存骨氣骨既存矣而適潤
加之亦猶枝幹扶疎凌霜雪而彌勁花葉鮮茂與雲日

而相輝如其骨力偏多適麗蓋少則若枯槎架險巨石
當路雖妍媚云闕而體質存焉若適麗居優骨氣將劣
譬夫芳林落蕊空照灼而無依蘭沼漂萍徒青翠而奚
託是知偏工易就盡善難求雖學宗一家而變成多體
莫不隨其性欲便以為姿質直者則徑佻不適剛狠者
又掘強無潤矜斂者弊於拘束脫易者失於規矩溫柔
者傷於軟緩躁勇者過於剽迫狐疑者溺於滯澀遲重
者終於蹇鈍輕瑣者染於俗吏斯皆獨行之士偏翫所

垂易曰觀乎天文以察時變觀乎人文以化成天下況
書之為妙近取諸身假令運用未周尚虧工於祕奧而
波瀾之際已濬發於靈臺必能傍通點畫之情博究始
終之理鎔鑄彝篆陶均草隸體五材之竝用儀形不極
象八音之迭起感會無方至若數畫竝施其形各異衆
點齊列為體互垂一點成一字之規一字乃終篇之准
違而不犯和而不同留不常遲遣不恒疾帶燥方潤將
濃遂枯泯規矩於方圓遁鈎繩之曲直乍顯乍晦若行

若藏窮變態於豪端合情調於紙上無間心手忘懷楷
則自可背羲獻而無失違鍾張而尚工譬夫絳樹青琴
殊姿共艷隋珠和璧異質同妍何必刻鶴圖龍竟慚真
體得魚獲兔猶愴筌蹄聞夫家有南威之容乃可論於
淑媛有龍泉之利然後議於斷割語過其分實累樞機
吾嘗盡思作書謂為甚合時稱識者輒以引示其中巧
麗曾不留目或有誤失翻被嗟賞既昧所見尤喻所聞
或以年職自高輕致陵誚余乃假之以緇縹題之以古

目則賢者改觀愚夫繼聲競賞毫末之奇罕議峰端之
失猶惠侯之好偽似葉公之懼真是知伯子之息流波
蓋有由矣夫蔡邕不謬賞孫陽不妄顧者以其玄鑒精
通故不滯於耳目也向使奇音在爨庸聽驚其妙響逸
足伏櫪凡識知其絕羣則伯喈不足稱良樂未可尚也
至若老嫖遇題扇初怨而後請門生獲書机父削而子
悞知與不知也夫士屈於不知已而申於知己彼不知
也曷足怪乎故莊子曰朝菌不知晦朔蟪蛄不知春秋

老子云下士聞道大笑之不笑之則不足以為道也豈可執冰而咎夏蟲哉 自漢魏已來論書者多矣妍蚩雜糅條目糾紛或重述舊章了不殊於既往或苟興新說竟無益於將來徒使繁者仍繁闕者仍闕今撰為六篇分成兩卷第其工用名曰書譜庶使一家後進奉以規模四海知音或存觀省緘祕之旨余無取焉垂拱三年寫記

外錄

書畫舫云孫過庭書譜真蹟亦藏韓太史家嚴分
宜故物也無論言辭精妙尤是筆勢縱橫墨法清
潤極得右軍遺法今世所傳二王帖皆過庭為之
者前有宋徽宗滲金御題政和宣和等印元初在
焦達卿敏中所上下兩卷全今已缺其一

上卷亦不能全

文氏為摹刻傳雲館帖中

此帖宋時已刻入石亦止一卷

又云右孫過庭書譜前半真蹟已亡翻刻入石後
半真蹟具存勾填入神故傳雲館帖所刻筆氣相

懸若此

薛稷

薛嗣通四言詩帖

悠悠洛邑眇眇伊瀍屢移寒暑頻經歲年丹壑幾變陵
谷俄遷不覩碑碣空悼風煙

薛稷為褚河南甥書法似河南三藏聖教序玄宰
外錄

集古錄云薛稷書刻石者余家集錄頗多與墨蹟

互有不同唐世顏柳諸家刻石者字體時時不類
謂由模刻人有工拙昨日見楊褒家所藏薛稷書
君謨以為不類信矣凡世人於事不可一槩有知
而好者有好而不知者有不好而不知者有不好
而能知者褒於書畫好而不知者也畫之為物尤
難識其精麤真偽非一言可達得者各以其意披
圖所賞未必得秉筆之意也梅聖俞作詩獨以吾
為知音吾亦自謂舉世之人知梅詩者莫吾若也

吾嘗問其最得意處渠誦數句皆非吾賞者以此知披圖所賞未必得秉筆之本意也

鍾紹京

唐越國公鍾紹京書千文

原文
不錄

外錄

米氏書史云唐越國公鍾紹京書千文筆勢圓勁在丞相恭公孫陳升處今為宗室令穰所購諸貴人皆題作智永余驗出唐諱闕筆及以遍學寺碑

對之更無少異令穰於是盡剪去諸人跋余始跋之

鍾可大書靈飛六甲經

小楷書紙本
原文不錄

外錄

嚴氏書畫記云鍾紹京小楷靈飛六甲經楮紙真蹟與準提經呪在董玄宰家

張旭

唐張長史春草帖

草書

春草青青千里餘邊城落日見離居
情知海上三年別不寄雲間一鴈書
張旭

微仲觀於東府之東齋元祐壬申五月初吉

師朴觀於樞府之前廳元祐癸酉六月晦日

器之觀於承旨廳之東軒元祐癸酉五月二十八

日

心畫之妙洞見蘊藉河南耿南仲敬書

叔通觀於城東惠寂寺之山堂靖康丙午三月十

日

長史書法昔聞其名今見其字起敬起慕宣和四年十月中浣日梅山拙逸題

叔益因謁安國獲觀長史真蹟建中靖國元年十月壬子

寫字骨力出於不用力耳漢舉嘗觀紹聖乙亥六月初一日題

事有定分材不可強齊郡張紳拜觀於陳氏春草

堂

至正辛丑十月十日伊吾榮曾與河東唐瑛雲簡
邵煥同觀於貧谷

余嘗見懷素書云鄴下見顏平原曰吾書傳得長
史八法其平原尚師之而張草之聖則不待言而
可知矣今春草帖即宣和書譜所載者宋內府收
附不存及前賢印章數處亦皆磨滅後有元祐以
降諸公題跋惜乎歲遠紙損不幸失於護持致令

字畫細微斷裂此可為恨然精妙之神具存誠為
世寶皇慶改元十二月朔日喬簣成仲山書

右張長史草書春草帖鋒穎纖悉可尋其源而麻
紙松煤古意溢目真足為唐人書法之冠晉跡不
可復見得見此跡亦末世之希世珍乎顏平原書
家之集大成者猶言杜詩韓文顏法亦出於此也
因與袁君子英獲觀陳彥廉氏賞歎竟日壬子人
日倪瓚題

少陵觀張旭草聖極歎其妙東坡題王逸少帖則
詆張為書工昌黎石鼓歌又詆王為俗書是三公
之言何戾耶蓋王之於石鼓張之於王其書固不
可同語然詩人詞氣抑揚不無太過論者遂欲以
為口實未為知書者也亦未為知詩者也世人不
以韓言而短王又可以蘓言而少張歟因觀長史
春草帖偶書洪武紀元渤海高啓識

右唐張旭春草帖有宋名臣題識其一微仲觀於

東府之東齋在元祐壬申其一師朴觀於樞府之前廳其一罷之觀於承旨廳之東軒皆在元祐癸酉其餘乃紹聖宣和靖康時人蓋壬申癸酉間呂公為左相韓公為樞密劉公為樞密都承旨一時君子在朝共成元祐之治自此歲後即非復元祐矣於是為紹聖為宣和靖康而宋運中圯此帖遂隨南渡入張循王家故有臣俊等印然則一紙之顯晦與宋之治亂相仍歟披玩之餘不勝歎息時

洪武壬子之秋稽岳王爨識

昔人評張長史草書雖奇怪百出而求其源流無一點畫不該規矩者今觀陳彥廉氏所藏春草帖信然彥廉嘗作堂奉其母節婦莊甚孝顏曰春草忽得此於他方與名堂之義相符豈因孝感而致然歟抑物各有所遇而偶然歟他日有子若孫因是帖也而思與堂符名則油然而興夫孝思自不能不以此帖為寶藏也後學張適識

外錄

書畫舫云嘉興王庭槐藏張長史春草帖亦在嚴
分宜家變幻神奇無忝草聖之目右卷白麻真跡
嘗入宣和祕府宋元人題名竝跋甚多元季藏吾
鄉陳彥廉家彥廉構春草堂人多詩之而雲林子
為之圖成化間復歸曾伯祖維慶府君處安里築
蘭香春草二堂亦紀實也

張伯高秋深帖

草書原
大不錄

外錄

書畫舫云張伯高秋深帖今草奇逸詳載寶章待
訪錄中故是第一名跡也趙子昂有臨本董玄宰
摹刻戲鴻堂法帖直云伯高手筆近始獲觀趙本
於項氏與石刻筆法不差毫髮英雄欺人類若此
張長史宛陵帖

宛陵霜夜聽猿愁去國常如不繫舟獨憐一鴈飛南海
卻羨雙溪解北流此朝分下陳蕃榻過客難登謝朓樓

外錄

歸來堂雜說云右李白詩予見張旭真跡刪去十
四字云高人屢處別離同落葉朝散敬亭秋詞義
更覺古雅張在乾元年間書當得其真蓋後人以
詩體似律故妄增之決非謫仙自增也

書畫舫云張長史真墨宛陵詩李西臺蘓才翁等
有跋向以瞥見不及錄入乃江陰卞華伯故物都
玄敬書評竊疑其非真而韓存良氏較錄藏之謂

出春草詩上兩家持論不同當細辨之

張長史書酒德頌

原文
不錄

外錄

墨池璣錄云范成大云古人書法字中有筆筆中藏鋒乃為極致宋潛溪跋張旭書酒德頌真蹟云出幽入明殆類鬼神雷電余嘗見其千文數字信

然

張伯高野舍帖

原文
不錄

外錄

書畫舫云張長史野舍帖絹本真墨宋室名賢有跋其裝裱亦出北宋人手元文宗朝鑒書博士柯九思進入今在韓氏或云出自懷素臨摹即勤讀帖耳未知果否

張伯高書千文

原文
不錄

外錄

董道書張旭千文云長史於書天也其假筆墨而

有見者是得其全闕而加手耳豈知曲直法度自成斲削間耶觀其書者如九方臯見馬不可留於形似之間也方其酒酣興來得於意會時不知筆墨之非也忘乎書者也反而內觀龍蛇大小絡絡其中暴暴乎乘雲氣而迅起盲風異雨驚雷激電變怪雜出氣蒸烟合倏忽萬里則放乎前者皆書也豈初有見於豪素哉彼其全於神者也至於風止雲息變怪隱藏循視更無徑轍時一豪不得誤

矣是昔之昭然者已喪其故耶

東觀餘論云始觀張旭所書十字文至毋圖隸散等字怪逸過甚好事者以長史喜狂書故效其跡及反覆徐觀至鴈門雲亭愚蒙瞻仰等字與後題日月則雄隱軒舉槎枿絲縷千狀萬變雖左馳右驚而不離繩矩之內猶縱風鳶者翔戾於空隨風上下而輪常在手擊劍者交光飛及劍忽若神而器不離身駐目觀之若龍鸞飛騰然後知其真長

史書而不虛得名矣世人觀之者不知其所以好者在此但視其奇怪從而效之失其指矣昔之聖人從心而不踰規矩妄行而蹈乎大方亦猶是也嘗觀莊周書其自謂謬悠荒唐而無端涯然觀其論度數刑名之際大儒宗工有所不及其道之以無為而無不為矣於乎觀旭書尚其怪而不知其入規矩讀莊子知其曠而不知其入律皆非二子之鍾期也

董道題張長史別本云見錄於山不喪其天見蜩
於林不分其神誠能知此可以語書矣嘗見劍器
渾脫舞鼓吹既作孤蓬自振驚沙坐飛而旭得之
於書則忘其筆墨而遇其神於頓挫之初矣落紙
雲烟豈復知也此殆假乎物者神動應於內者天
馳耶昔崔延伯每臨陣則令田僧超為壯士歌然
後單馬入陣所向無前至僧超死則不復能戰是
知以氣勝者氣能蓋天下然後可以勝天下矣宜

純氣之守者萬物不得窺其迹也

張長史濯烟帖

有明昌寶玩御府寶
繪犀玉中祕諸印

濯濯烟條拂地垂城邊樓畔結春思請君細看風流意
不是靈和殿裏時

外錄

珊瑚網云按明昌有七印其一曰內府葫蘆印其
二曰羣玉祕珍其三曰明昌寶玩其四曰明昌御
覽其五曰御府寶繪其六曰明昌中祕其七曰明

昌御府又宣和天水雙龍印有方圓二樣法書用
圓名畫用方更宣和明昌二帝題籤法書用墨名
畫用泥金又高宗御府手卷畫前上白引縫間用
乾卦圓印其下用希世藏方印畫卷盡處之下用
紹興二字印墨蹟不用卷上合縫卦印止用其下
希世小印其後仍用紹興小璽偶攷印記及此維
時春雨方霽正顛旭蘭馨動也

張長史四詩帖

草書綠
素本

草聖

篆書

長沙李兆蕃

楷書
紙本

雜詠

既作湖陰客如何更遠遊章江昨夜月送我過揚州

見遠亭

高亭

闕

可望朝暮對溪山野色軒楹外霞光几席間

晚過水北

寒川消積雪凍浦漸通流日暮人歸盡沙禽上釣舟

三橋

壯臨白雲澗南望清風閣出樹見行人隔溪有魚躍

張顛書法繁迴恍渺中有挽勁飲石之強至不易
得是顛史書中第一余生平所見無過此帖者展
玩再三不忍釋手丹丘柯九思題

行書

看雲老人吳全節觀於高仁卿之澗東公署

行書
連柯

跋一
紙

張長史縑素四詩帖宣和書譜所載初為蔡忠惠
公家藏後入御府自裕陵舊觀流離遷徙不知幾

經兵燹而翰墨無恙信神物之有呵護也至其筆
法縱橫跌蕩飛舞即長史自云如飛鳥出林驚蛇
入草真可謂入神出聖不可方物非學者所能稱

述也南邨老人陶宗儀識

行書
紙本

宣和裝書往往剪去題跋大屬恨事長史真蹟無
所用跋今得元人三跋尤為增榮益觀曹溶

楷書
隔水

綾
上

張長史書在宋已不多見況今時耶余生平所閱

兩弓其一濯烟帖在吳江史明古家有沈石田跋
尾其一春草帖舊為太倉陳彥廉所藏彥廉有春
草堂以此得名後歸鎮江劉氏今不知所在矣宋
元人題識尤多然皆不及此四詩怪偉傑特脫去
筆墨畦徑非後人所能偽為也此帖舊藏長洲金
氏予數年前嘗與沈石田先生就其家借觀竟不
肯出今歸王舍人子貞因借留予家數月惜不能
起石田與之共論其妙也正德十四年己卯七月

既望衡山文徵明書

隸書烏絲
闌紙本

余居都門錦衣金仲信持此帖相示因憶山谷云
長史工肥然濯烟春草二帖余皆見之濯烟與此
固多肥矣若春草則純於瘦豈奇怪百出肥瘦之
評尚未盡其神妙耶東坡云短長肥瘦各有態玉
環飛燕誰敢憎二語真得書家三昧書法至得意
處墨龍飛舞安得肥瘦拘之拜觀之餘聊識此以
致敬仰之私辛巳冬十有二月既望太原祝允明

題

行書

東坡論長史草書顏然天放畧有點畫意態自足
山谷謂長史性姿顛逸字字入法度中懷素攻於
瘦長史攻於肥瘦勁易能肥勁難工持二工之說
以勘是帖有若符契顛而法肥而勁放而意足其
為長史真跡無疑況又有君謨之私印可證乎其
間屋漏痕筆法識者當自知之王鏊題

行書
紙本

歷觀古人論書必以草為重怒猊躍龍皆極狀草

書勢而真行不與焉瑯琊以還家擅臨池工拙互
換長史出而集其大成余所目邁者春草遊仙二
帖及此而三飛動大約相同若怪偉驚人以此卷
為絕世之寶舊謂長史從公孫氏劍器得悟殆是
戲論不足為解人道也一傳而為藏真高閒再傳
而為黃華老人三傳而為解學士所況愈下安得
挽虞困之隆景追神駿於天衢也歟拊卷太息橋

李曹溶倦圃東軒書

行書
紙本

李邕

唐李邕永康帖

高宗
題籤

縉雲狀告得永康探狀明公馬平安至永康已開於州
下迎家口訖惟知謹使已使記即百方便通昨夜大雨
所料道計不堪矣

家有李邕永康帖墨蹟米芾故物也審定真蹟等
印具在芾以模本刻之甚為寶惜而此真本其子
友仁紹興中進之藏諸祕府今卷首唐李邕永康

帖六字高宗御書也宋亡歸於元逮及國初時流落於鳳陽某家洪武庚午余里人侯成章得之歿後余兄簡約購求以為解氏之寶卷尾題識皆為人褫去以售其偽此真者正不須也解縉

外錄

書畫舫載韓朝廷云曾於士友處觀李邕雜跡字約八千其家號萬金帖後竟以此賈禍語云匹夫無罪懷璧其罪信夫

又云北海太守李邕始變右軍行法其頓挫起伏
奕奕動人解氏舊藏永康帖一今在吳郡王氏真
跡神品上上第卷首御題一行定出床頭捉刀人
手急須去之毋久溷乃公也

王氏亦云御題已零星失去恐屬後人補

綴理或然也

李北海二帖

比無近書帖

比無近書益用馳仰毒熱惟勝和兒郎無恙也邕粗爾

少理張子有家事望爾投與遞可不示也謹因馳白不具

吏部三弟帖

吏部三弟改少傅惘惘不已五月廿九日邕諮

李泰和二帖

勝和帖

毒熱比惟勝和邕今日至當塗地邇人遠不及把袂惘惘何如珍重珍重謹馳力不具李邕狀咨六月廿二日

申時 致意兒郎等各佳也

濮王帖

即欲迎濮王八郎後來足得未勞急也蒙周至惠鹿欲
報適來風水事也少於道左申謝耳因還使馳力不具
李邕狀咨二日光八郎記室勞借馬甚堪騎悚息濮王
少若問還報驛上安置得不示之

李北海二帖子昂鑒定

外錄

寶晉英光集云右唐祕書監李邕字太和墨蹟五
十字易於呂文靖丞相家戶部尚書樞卿之孫端
問有三帖第一帖有張子有字淡墨昏第二帖有
縉雲字紙揭損此第三帖也精彩動人墨渴筆勁
想運筆神助丁丑歲漣漪郡齋手裝

格古要論云唐蕭誠偽為古帖示李邕曰右軍真
跡邕欣然曰是真物誠以實告邕復視曰細看亦
未能好以此論之古人墨蹟未易辨也

泰和記刻帖

記刻亭上字畫褊淺邕狀

亭為恐不能傳遠欲改刻之邕狀

外錄

書畫舫云李之芳鵲湖新亭所刻字畫即吾宗神
秀篇也泰和專心刻石宜其傳世久而彌光云此
帖今在項氏

歐公試筆云余始得李邕書不甚好之然疑邕以

書名自必有深趣及看之久遂謂他書少及者得之最晚好之尤篤譬猶結交其始也難則其合也必久余雖因邕書得筆法然為字絕不相類豈得其意而忘其形者耶因見邕書追求鍾王以來字法皆可以通然邕書未必獨然凡學書者得其一可以通其餘余偶從邕書而得之耳嘉祐五年春分日雪中西牕試筆

鄭虔

鄭弱齊閨情詩帖

白麻紙本

銀鑰開香閣金臺點夜燈
長征君自慣獨臥妾何曾
虔

呈

右詩亦載本集

外錄

書畫舫云右虔書筆精墨妙紙質如新是唐人詩

帖中錚錚者今在王氏

李白

李太白乘興帖

乘興踏月西入酒家不覺人物兩忘身在世外

外錄

書系云李白不以書名乃乘興一帖字畫飄逸行
筆不讓古人展玩敬服

春渚紀聞趙德麟跋太白帖云雖自九天分派不
與萬李同林步步處雷驚電繞空餘翰墨窺尋此趙
德麟跋遂所藏李太白醉草後其實自謂也

太白醉中帖

會自晚愛酒闕酒仙闕得何復道渴如勿闕求送一斗

闕醉神為醒者傳太白

此帖字字有法度自唐五代至本朝能書莫及草
菴持來京師求跋故書紹定癸巳春三月一日太
師左丞相兼樞密使史彌遠書

右丞相兼樞密使鄭清之是日與福建制置使兼
知福州陳德剛在史府同觀

此帖付還清隱清隱當寶斯紙以為異日一段清

事孟頫告廿一日


太白真跡古今罕見今觀此書敢不珍重云華亭
陳璧題

太白草聖天下絕筆余仕京華得一拜觀為幸雲
間沈度

李謫仙未嘗以書名於時今觀此帖適勁飄逸而
從容於法度之中來者不能及矣東吳宋克

青蓮老人書自阿環捧硯宮婢呵筆後不復見其

醉放之態此卷才數字要自酒樓中橫擲禿管時
也其後有陳文東宋仲溫跋語皆華亭墨池鳳毛
趙承旨尤具三昧法眼獨史丞相題幸不令青蓮
見之然賈秋壑平章家藏晉唐法書萬軸即顏褚
二公手書皆在迺終能收拾古人殘煤楮亦是文
字中功臣也陳繼儒跋



書畫彙考卷七